

中國東方文化研究會歷史文化分會編

江蘇古籍出版社

歷代碑誌彙書

中國東方文化研究會歷史文化分會編

歷代碑誌叢書

第六冊

江蘇古籍出版社

歷代碑誌叢書第六冊目次

金石萃編一百六十卷(三)

〔清〕王昶撰
清嘉慶十年經訓堂刊本

.....
一

金石萃編卷九十三

賜進士出身 誥授光祿大夫刑部右侍郎加七級王相讓

唐五十三

顏魯公與郭僕射書

石橫廣四尺六分高三尺二分兩截書上截三十二行旁添一行下截三十二行旁添三行每行字數不計古書在西安府學

十一月 日金紫光祿大夫檢校刑部尚書上柱國魯

郡開國公顏真卿謹奉書于右僕射定襄郡王郭公閣下蓋太上有立德其次有立功是之謂不朽抑又聞之端揆者百寮之師長諸侯王者人臣之極地今僕射挺

金石萃編卷九十三 唐五十三

不朽之功業當人臣之極地豈不以才爲世出功冠一時挫思明跋扈之師抗迴紇無厭之請故得身畫凌煙之閣名藏太室之廷吁足畏也然美則美矣然而終之始難故曰滿而不溢所以長守富也高而不危所以長守貴也可不儆懼乎書曰爾惟弗矜天下莫與汝爭功爾惟不伐天下莫與汝爭能以齊桓公之盛業片言勤王則九合諸侯一匡天下葵丘之會微有振矜而叛者九國故曰行百里者半九十里言晚節末路之難也從古至今哀我高祖太宗已來未有行此而不理廢此而不亂者也前者菩提寺行香僕射指麾宰相與兩省臺

省已下常參官並爲一行坐魚開府及僕射率諸軍將爲一行坐若一時從權亦猶未可何況積習更行之乎

一昨以郭令公父子之軍破犬羊兇逆之衆衆情欣喜恨不頂而戴之是有興道之會僕射又不悟前失徑率意而指麾不顧班秩之高下不論文武之左右苟以取悅軍容爲心曾不顧百寮之側目亦何異清畫攫金之士哉甚非謂也君子愛人以禮不問姑息僕射得不深念之乎真卿竊聞軍容之爲人清修梵行深入佛海況乎收東京有殄賊之業守陝城有戴天之功朝野之人所共貴仰豈獨有分于僕射哉加以利衰塗割恬然

金石萃編卷九十三 唐五十三

於心固不以一毀加怒一敬加喜尚何半席之座咫尺之地能洎其志哉且鄉里上齒宗廟上爵朝廷上位皆有等威以明長幼故得彝倫叙而天下和平也且上自宰相御史大夫兩省五品以上供奉官自爲一行十二衛大將軍次之三師三公令僕少師保傅尚書左右丞侍郎自爲一行九卿三監對之從古以然未嘗參錯至如節度軍將各有本班卿監有卿監之班將軍有將軍之位縱是開府特進並是勳官用蔭卽有高卑會議合依倫叙豈可裂冠毀冕反易彝倫貴者爲卑所凌尊者爲賤所偪一至於此振古未聞如魚軍容階雖開府官

御監門將軍朝廷列位自有次序但以功績既高恩澤莫二出入王命衆人不敢爲比不可令居本位須別示有尊崇只可於宰相師保座南橫安一位如御史臺衆尊知雜事御史別置一榻使百寮共得瞻仰不亦可乎聖皇時開府高力士承恩宣傳亦只如此橫座亦不聞別有禮數亦何必令他失位如李輔國倚承恩澤徑居左右僕射及三公之上令天下疑怪乎古人云益者三友損者三友願僕射與軍容爲直諫之友不願僕射爲軍容佞柔之友

金石萃編卷九十三

唐五十三

三

又一昨裴僕射誤欲令左右丞勾當尚書當時輒有訓對僕射時實張目見尤介衆之中不欲顯過今者興道之會還爾遂非再獨八座尚書欲令便向下座州縣軍城之禮亦恐未然朝廷公譙之宜不應若此今既若此僕射意只應以爲尚書之與僕射若州佐之與縣令乎若以尚書同於縣令則僕射見尚書令得如上佐事刺史乎益不然矣今既三廳齊列足明不同刺史且尚書令與僕射同是二品只按上下之階六曹尚書並正三品又非隔品致敬之類尚書之事僕射禮數未敢有失僕射之顧尚書何乃欲同卑吏又據宋書百官志八座同是第三品隋及國家始升別作二品高自標致誠則

尊崇向下擠排無乃傷甚况再於公堂獨啗常伯當爲令公初到不欲紛披僂僂就命亦非理屈朝廷紀綱須共存立過爾嚙壞亦恐及身明天子忽震電含怒責敦彝倫之人則僕射將何口以對

昨日長安安師文出所藏顏公與定襄郡王書草數紙比公他書尤爲奇特信手自書動有姿態乃知瓦注賢于黃金雖公猶未免也

東坡集

魯公與郭令公書論魚軍容坐席凡七紙而長安安氏兄弟異財時以前四紙作一分後三紙及乞鹿脯帖作一分以故人間但傳至不願與軍容爲佞柔之

金石萃編卷九十三

唐五十三

四

友而止元祐中余在京師始從安師文借得後三紙遂合爲一此書雖奇特猶不及祭濠州刺史文之妙蓋一紙半書而真行草法皆備也

黃文憲公集

右唐顏魯公與郭僕射書僕射郭英乂也魯公於座位高下小有失當猶力爭如此使之立朝其肯逢君之惡乎

金石錄

魚朝恩擠郭令公折元載搖相里造侵王縉一時權欲熏灼若此魯公秉義以奮其驕至今幾五百年尚凜凜有生意倚其備與但其間稱舉朝恩尙數十言大半於行間增入豈猶未免於危行言孫邪

魏了翁鶴山集

魯公作字多擘窠大書端勁而秀偉黃魯直云此所期無不欲高照千載者此帖草略匆匆前所未見開軸未暇熟視已覺粲然忠義之氣橫溢而點畫所至處便自奇勁公嘗謂盧杞曰朝廷法度豈更堪公諛壞也于此又曰朝廷綱紀須共存立稟然想見其為人益公所遭之時如此而所守之道不得不然故倉卒未敢忘國之綱紀也余私有感于中者因記于此

石門文
字禪

坐位帖真蹟在京兆安氏家嘗刻以傳世吳中復守永興謂安氏石未盡筆法因再模刻此二本余家咸

金石萃編卷九十三 唐五十三 五

有之安氏子孫分析坐位帖乃割爲二此帖至行香寺僕射指後不復有蓋長安石刻本卓頭高指後別爲一行遂由是平分爲兩是安氏兄弟不學之謬東坡見安師文時帖尙全嘗手搦數十本余得坡公搦本於東平王氏無纖毫失真旁用眉陽蘇氏及趙郡蘇軾印記米襄陽年少嘗臨之邵伯溫亦云安氏析後不復見全本此卷筆法絕類米老遂定爲米老所臨無疑

哀輿清客
居士集

西安府學顏魯公座位帖得之按察使李俊此帖與北京本字行微有不同處字亦稍剝不若北京本之

精好也北京本云初止二石永樂十一年民家發地又得二石始爲完物然予所得於洪常秀才者亦四幅但視此則首缺六行尾缺八行不知其如何也

稿堂

按元章待訪錄是楮紙用先豐縣先天廣德中牒起草禿筆今此石刻中禿筆宛然都元敬寓意編謂馬主事抑之家藏有米臨此帖內有元時袁文清摘跋謂京兆安氏嘗刻以傳世吳中復守永興以安氏石未盡筆法因再摹京兆永興皆陝中地名今石在陝中豈卽安氏原石耶抑永興重摹者耶又謂安氏分

金石萃編卷九十三 唐五十三 六

析時割此帖爲二至僕射指下遂平分爲兩以石刻較之正居其半今此帖共六十九行僕射指處止十九行正得四分之一多二行豈馬所藏本又止半幅耶元章書史又謂內小行是於行間添注不盡又於行下空紙邊橫寫與刻本不同若是米臨本亦當作橫寫乃是何袁跋未見言及此帖首十餘行尙覺屈彊未舒至僕射指以下乃始活潑飛動至皆有等威後又更渾化入妙結末數行筆已倦意已懈而餘興淋漓更出屋漏雨蹟殆若所云懷素自言初不知者若分得後半當是獲膏腴產矣袁跋又云嘗得坡翁

搨本無毫髮失真蘇公見安師文帖時帖尙全嘗手搨數本書遂大進蘇本久不聞應已湮沒馬氏藏米本不遠今尙能存否內尊者爲賊所偏當是賤所偏又別置一搨下重使字想皆係原稿誤古人書皆手寫其正本奈何反不傳書畫跋跋

宋沈括夢溪筆談曰都堂及寺觀百官會集坐次多出臨時唐以前故事皆不可考惟顏魯公與左僕射定襄郡王郭英乂書云宰相御史大夫兩省五品供奉官自爲一行十二衛大將軍次之三師三公令僕少師保傅尙書左右丞侍郎自爲一行九卿三監對

金石萃編卷九十三 唐五十三 七

之從古以來未嘗參錯此亦畧見當時故事金石文

此魯公與郭英乂書英乂爲尙書右僕射封定襄郡

王驕蹇泰侈陰事元載魚朝恩以固其權時郭子儀

大破吐蕃於長安朝臣德之爲興道之會英乂擠八

座尙書坐朝恩下公移書糾正之年譜以此書在代

宗廣德二年按行狀公以肅宗寶應元年加上柱國

廣德元年加金紫光祿大夫是年十月吐蕃寇長安

上幸陝州子儀擊却之十二月上還京師以魚朝恩

爲天下觀軍容使二年正月以公檢校刑部尙書三

月進封魯郡開國公觀公自署衙及稱朝恩爲軍

者與年譜正合則知此書正當在廣德二年十一月蓋明年夏劍南節度使嚴武死英乂往代之卽不復在京矣顧寧人金石文字記不知其年列此書于大歷之後蓋未深考耳按米氏書史爭坐帖是唐繼

縣獄狀礎熟紙起草內小字是於行間添注不盡又與行下空紙邊橫寫與刻本不同石刻龔存梗槩耳又袁清容集爭坐真蹟京兆安師文嘗刻以傳世吳中復再模刻今此二本世未之見所見惟關中刻耳如米氏言行列已非龔存梗槩不知真蹟妙處何如使人神往又不知安氏吳氏所刻比今關中本又何

金石萃編卷九十三 唐五十三 八

如或曰今關中本卽安氏所刻亦未知其是否也作

書稱英乂挫思明跋扈之師抗回紇無厭之請按新

史史思明陷洛陽謀掠陳蔡詔英乂統淮南節度兵

賊叩陝號又改陝西節度使而不言其破思明之功

及英乂留守都史稱其無東擒御才縱麾下與回紇

兵大掠都城並無抗拒回紇之語皆與此書不合當

由失書或稱公作書時不免稍有假借爲孔子危行

言遜之義公於名義所關執論侃侃略不假借豈肯

達於英乂妄推其功如此定是史者失之耳

三稿

祭姪爲先告伯父次之論坐最後祭姪告伯皆在乾元元年公以三月刺蒲州故九月祭姪稱蒲州刺史十月改刺饒州故告伯父稱饒州刺史後七年當代宗廣德二年公乃與定襄有論坐書三稿皆公奇絕之作祭姪奇古豪宕告伯父淵潤從容至論坐則兼有祭姪告伯兩稿之奇情緒不同書隨以異所以直入神品足爲蘭亭後勁也

虛舟題跋

舊唐書代宗紀廣德二年十一月丁未郭子儀自涇陽入覲詔宰相百僚迎之於開遠門上御安福寺待之此帖所稱興道之會正在其時魯公年譜系之廣

金石萃編卷九十三 唐五十三

九

德二年信矣此書前一段言魚朝恩階雖開府官止監門將軍以班列言之應序於十二衛大將軍之次卽欲別示尊崇只可於宰相師保座南橫安一位如御史臺知雜御史之例不當列于僕射之上後一段言僕射是二品六曹尚書並二品非隔品致敬之類不當擠排尚書使在下座所云裴僕射者左僕射裴冕也尊者爲賊所偏賤誤作賊唐會要尚書左右僕射自武德至長安四年以前並是正宰相豆盧欽望拜左僕射不言同中書門下三品不敢參議省事數日始加知軍國重事至景雲二年韋安石徐左僕射

東都留守不帶同三品自後空除僕射不是宰相遂爲故事英又除僕射時已非宰相然官品最高在侍中中書令之上過此則爲三公三師非尋常人臣之職故稱百寮之師長也

潘研堂金石文跋尾

按爭坐位帖自宋以來摹刻者有七種一曰京兆

安氏刻本

長安安師文見東坡集

一曰吳中復重刻本

中復守永

興再摹刻

見清容集

一曰米襄陽臨本

見寶章待訪錄

見東坡集

一曰戲鴻堂本

見畫禪室隨筆

一曰嘉善魏氏本

卽半村錢旃摹本嘉善魏學濂正之學濂字子一號內齋忠節公大中子明亡殉難著內齋集十卷日知錄五卷益帖爲錢氏手摹魏氏校正而觀妙齋金石考畧定以爲魏氏摹刻

金石萃編卷九十三 唐五十三

十

中本

見竹雲題跋

今在西安府學碑林者卽關中本也

祀藏本南宋時楊

國初爲無錫錢陸燾湘靈所

藏字畫端勁湘靈嘗書其生年甲子並科分事實

于下則其寶貴可知矣帖中塗抹添注處如謹寓

書改爲謹奉書不其盛矣改吁足畏也然美則美

矣宰相一行坐添注與兩省臺省已下常參官等

字文武之左右添注不論二字苟以悅軍容爲心

苟以下添取字竊見聞姑息添注甚非謂也君子

愛人以禮不等字深入佛海字添注況乎收東京

至豈獨有分于僕射哉等字西省官自爲一行兩

省下添注五品以上俱奉六字十二三師三公十

二下添注衛大將軍次之六字未嘗參錯下添注

至如軍將至振古未聞等字不亦可乎下添注聖

皇時至亦不問別有禮數等字蓋不然矣下添注

今既三廳齊列足明不同刺史等字此外尚有數

處零星添注不計可見魯公當時雖信筆直書之

中仍委曲詳盡非率意爲之也文云奉書于右僕

射定襄郡王郭公新唐書郭知運傳知運次子英

父舊傳作知運季子字元武代宗卽位雍王率諸將討賊

洛陽畱英父殿于陝東都平權知畱守以功實封

三百戶舊傳作二百戶召拜尚書右僕射封定襄郡王文

云魚開府及僕射率諸軍將爲一行魚朝恩傳云

朝恩洛陽平徙屯汴州加開府儀同三司文云郭

令公以父子之軍破犬羊兇逆之衆郭子儀傳云

子儀次子晞復兩京戰最力吐蕃回紇入寇擊破

之文云苟以取悅軍容爲心軍容之爲人清修梵

行深入佛海魚朝恩傳九節度圍賊相州以朝恩

爲觀軍容宣慰處置使觀軍容使自朝恩始而不

言其修梵行殆由當時宮禁尚沿崇佛之舊習朝

恩亦嘗奉之而史家所宜從略耳文云收東京有

殄賊之業守陝城有戴天之功朝恩傳云史思明

攻洛陽朝恩以神策兵屯陝洛陽陷思明長驅至

硤石肅宗詔銳兵十萬循渭而東以濟師朝恩按

兵陝東使神策將衛伯玉與賊將康文景等戰敗

之洛陽卽此事也攷之史傳多與此帖語合傳稱

郭英父陰事宰相元載以久其權而真卿又不爲

元載所容論事坐以誹謗不久卽有硤州別駕之

貶然則英父得此書其以真卿之之言爲是與否

史無明文皆不可知而旣爲陰事元載之人則真

卿之被貶未始非英父陰爲之譖已

白道生碑

碑高七尺一寸廣三尺九寸十分二十

一行行四十字正書篆額在正定府

大唐故左武衛大將軍贈太子賓客白公神道碑銘

朝議郎行尚書禮部員外郎翰林學士賜緋魚袋于

益奉 勅撰

口議大夫行將作口口翰林待 詔上柱國賜紫金

魚袋摯宗奉 勅書并篆額

淳維之地上戴斗極其氣勁悍其人口口間生將才口

我王略其有革去故俗鼎新華口建功惟忠戡難以武

常研戈革每襟邊陲肅土連華口口襲祉啓迪後嗣光

爲翰林學士益天寶初進士第不云其官禮部員

外也傳又稱天子嘉休烈父子著儒行休列妻韋

卒詔贈國夫人

史不詳何國

葬給鹵部鼓吹是益以儒

行者也宰相世系表載益官終諫議大夫書碑篆

額者摯宗兩唐書無傳書譜亦不列其名攷摯姓

風俗通云摯疇古諸侯國也通志氏族畧或言帝

畧子摯之後周有摯荒漢有摯綱又後漢有摯恂

晉有摯虞皆最著者宗殆其裔歟碑云公諱道生

其先呼韓之宗谷蠡之允代居南部口入中原呼

韓那本匈奴單于見漢書匈奴置左右賢王左右

《金石萃編卷九十三

唐五十三

五

谷蠡見史記則道生係突厥之族帳與白氏爲黃

帝之後出南陽望者不同系也祖廣琛父崇禮世

居右職史皆無傳新唐書道生亦無專傳附見李

光弼傳後白元光傳元光卽道生之子也字元光

其先突厥人父道生歷寧朔州刺史而不詳道生

之事蹟碑云開元中口安郡口口以宗室之賢受

登壇之寄每有討伐命公先鋒云云文中泐字以

元宗紀及太宗諸子傳證之乃信安郡王禕也紀

云開元十八年五月己酉奚契丹附于突厥二十

年正月乙卯信安郡王禕爲河東河北道行軍副

元帥以伐奚契丹三月己巳信安郡王禕及奚契

丹戰于薊州敗之傳稱太宗子鬱林王恪恪子琨

進封吳王琨子禕中宗時封嗣江王以繼繼後開

元時亦以傍繼徙信安郡王累遷禮部尙書朔方

節度使契丹可突于叛詔拜忠王爲河北道行軍

元帥討之勅禕以副忠王不行禕率裴耀卿諸將

分道出范陽北擊二蕃破之卽碑所載宗室登壇

之事也碑云其子朔方先鋒使同節度副使開府

儀同三司試太子賓客左武衛大將

闕此叙道生

子元光之官也傳稱元光初隸寧朔本軍補節度

《金石萃編卷九十三

唐五十一

六

先鋒安祿山反詔徙朔方兵東討元光領所部結

義營長驅從光弼出土門累遷太子詹事封南陽

郡王爲兩都遊奕使長安平轉衛尉卿兼朔方先

鋒史思明攻河陽光弼召主騎軍其後歷靈武畱

後定遠城使此元光歷官可以補碑之闕也碑云

遷于萬年縣鳳栖原長安志無此原名蓋失傳

矣末云永泰元年歲次乙巳三月壬辰朔廿四日

甲寅建壬辰朔則甲寅是廿三非廿四也道生父

子功績官位不甚崇顯遷寔時亦別無特恩不知

何因撰書碑文皆奉勅文無可攷

李寶臣碑

碑高一丈八尺四寸六分廣八尺八寸五分二十五行行五十五字正書

成德軍節度使開府儀同三司檢校尚書右僕射兼御史大夫恒州刺史充管内支度營田使清河郡王李公紀功載政頌并序

支度判官朝散大夫行監察御史王佑上

推勾官朝散大夫行太子司儀郎王士則書并篆

惟天 明命

聖人允成□□□□□□□□

□□戲

君非臣無以化化臣非

君無以

贊贊明明

君臣品□□□陰陽載□□□□

金石萃編卷九十三

唐五十三

七

□□□□□□歲

□應

帝嗣位敬統舊

服惠周於下下罔不格夕十一月 我亞相張公忠志

率東諸侯□出復命元元以貞□太和也先是祿□□

亂朋毒中夏□政血□覆忠良殖姦冗蒸人側側不貳

竿乃戮 公越在東土受制宇下爲侯□恒克□復寧

□□王室誕宣 我化靡□尔□敷聞

帝

庭奉若

王命

帝曰休才正侯良才

授恒州刺史封密雲郡公表獻□□越二□□□□

羣海

□□擅□無人薄三川威五長摺紳管管

不自躬乃工 公執在厲階登若股上罔弗祇命命我

□□□□□□□□□□□□□□德式□庶欲歸於

本朝朝廷嘉茂功錫丕□□禮部尚書兼御史大夫

成德軍節度使清河郡王賜姓李□□□□□□□□

□懿□□□□□□□□□□□□司國樞□□□□革

風俗是 摠朝憲率寧全趙開復東土是用苴白茅昭

宗武功允正□□□□□□□□□□維城宗我□□□

□□□□名銘之景鍾永憲□後 公固讓不獲祗奉

天之明命惟

祖惟父佐世有勲享祿無及□

□□□□□□□□□□□□□□德□□□邦忠孝剛義□直□

亮家用□□位□宜才初 公牧恒元年爲也爲師尅

金石萃編卷九十三

唐五十三

八

恒恒不堪命羣盜衆聚□野□□□□□□□□□□

□□□□明武殛暴暴服□□人謾不□廬□□□□

晏□□士馴業□□稽工就務商通貨四者各正□□

日用□□□□□□□□□□吏更告 公曰淳施會流暨

于城下天雨淫降頌湧□□皮積如阜□□乃□□恐

爲魚其日固久 公以聚人慾□□□□□□□□□□

造層城獻獻居人坦坦□德合□無疆冬十月 □□

□□ 先帝洎慶緒嗣凶自洛奔鄴修好於

公公不□□□□折□□□得請命□□三年二月

上以思明作藩於薊□□□□□□□□思明篤

叙不供賊鎮威衆俾 公如薊將賊 公 執忠

大旱 滌 穀如焚人曰祈土龍 公曰非早備

乃貶躬之食勤人之 寅 朝而 雨旬

匪害稼不書政冬十一月思明外 公以其黨幸萬寶

張 焉 一 自下

流 延於平人人用齋咨涕洟 公如

天公曰不戢乃暴負乃人憂夏四月戮萬寶

公 五

州之侯或曰厚賦人 公盡人蒿焉封政不賦乃聳善

抑惡發滯劾伏藏惠昭利 文訪於深 修之文

訪於趙趙齊之克諧五州允奉如一虜不我制 公用

哆然惟八年 受命 王也

初朝義播亡係命於 公自 公歸 朝是翦厥

翼翌日 公會 王師於 郊恭行 朝

用勦焉時戎羯飲化爰方啓行夫戎性沓貪蔑

然俘軼彈實虔劉暴骨厚厲於懷人南自相魏邢貝東

至涪德瀛鄭 夫匹婦蕩在草莽越 公境宣服

公威惕惕瞿瞿進成序若 公在首五州之人無荒

寧風行於冀冀億之景願附 公昭請於 上上

集下望申命用良冀人熙熙嗜化永休惟九年冬

帝念宗臣特拜右僕射端武主戎摠經外政欽

酌彝典敬揚 天心繫 公德載於人人以蕃殖

翼贊 三主鋪敦四凶 聖咨乃賢神

被乃祿其惟有終盲才恒中耆老賈審祥 等師

錫言曰奸臣反常迭起東土人用瑤瓚殆無指告惟

公牧恒 天眷尔下尔有 君臣公正爾有

父子 公保尔有灾厲 公莫尔有稼穡 公成微

公疇依恒大圯也賡曰昭茂德崇豐碑阜成於文庶永

於世克建樂石勗揚頌聲頌曰

惟 君配天惟配臣 君嶠嶠 我公爲

君武臣翼贊 皇家奄有世勳大盜跼蹐荒

我東鄙孔填不夷元元靡恃恒人保 公乃有父子我

涉載懲我年載登我用有孚尔無不承貞石峨峨永以

垂頌惟 公之德不崩 永泰二年七月一日建

右成德節度使李寶臣德政碑寶臣降虜與田承嗣

輩創藩鎮之禍其人本不足道碑辭脅下爲訣優譚

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

金石萃編卷九十三 唐五十三

不文獨王士則者僅見陶九成書譜中不甚著而書法道勁瀟灑有李北海張從申之筆良可寶也碑在真定御史行臺不易塌

余州山人稿

李公者寶臣也予讀其傳每嘆屬奚附逆反覆不常朝廷輒以偽署為真賜姓名授鐵券唐之不振至于如此然竊計當時強藩互結不如此不足以慰來投之心招未歸之賊按碑建于永泰二年七月追頌其功則曰壬寅歲寶應皇帝嗣位冬十一月我亞相張公忠志率東諸侯復命兩唐書無月日而代宗紀與碑合九節度之圍相州也寶臣懼而來歸封密雲郡

金石萃編卷九十三

唐五十三

三

公為舊書所遺新書云擢寶臣為禮部尚書封趙國公又與碑異碑云授禮部尚書兼御史大夫成德軍節度使封清河郡王賜姓改名此恒州耆老賈審祥等頌之之碑立于當時必無疑悞何兩書俱不之及而未載隴西郡王豈寶臣王封有二次耶抑兩書誤以清河為隴西耶如寶臣以五州未獻開東門納王師而止封趙公則加于密雲無幾豈足以酬其志似當以碑為正碑在今真定府公署中巋然巨碣也豈劉宋二公未之見耶

金石錄補

鎮州察院前庭有風動古碑乃李寶臣功德頌永泰

間立察院即寶臣節度理所也碑文王士則書筆法遒逸有漢人遺意絕似孟頫趙公所作因知吳興源遠流長所本不獨一王也

隱錄軒

士則蓋武俊之子其署銜稱推勾官案吏節度使之屬有推官有衙推此推勾官疑即推官矣寶臣之降唐封清河郡王唐書藩鎮傳不載却有進封隴西郡王事然宰相世系表止稱清河郡王疑傳之誤也

潛研

堂金石文跋尾

按此碑云在真定御史行臺又云真定府公署中其實在察院署今察院廢而為公館相屢宿于此

金石萃編卷九十三

唐五十三

三

至必摩挲是碑字之精勁如前人所言書者王士則見韓文集兄弟皆能書

金石萃編卷九十三終

金石萃編卷九十四

賜進士出身 誥授光祿大夫刑部右侍郎加七級至相讓

唐五十四

悟臺銘

石高八尺三寸廣四尺五寸十五行行十六字篆書在祁陽縣悟溪

悟臺銘

河南元結字次山撰

悟溪東北廿餘寺清潭曰焉

於三四百步迴鮮肯或

潭毛約左屬回鮮肯或

金石萃編卷九十四 唐五十四

八九十尺下崗迴瀾其勢

半山此序蒼然泛若

迴瀾其勢迴瀾其勢

奇於戲古人有畜憤悶與病於時俗者力不能築高臺

時胸膈力不終賴高臺

山巖畔畔歌吟

陽達今與茲

翠翠乃所好也銘

湘淵清澗悟臺

湘淵清澗悟臺

湘談不盡辭

陪同山臺臺

如璫如珉

十五曰

釋文

悟臺銘

河南元結字次山撰

悟溪東北廿餘丈得怪石焉周行三四百步從未申至

丑寅涯僻斗絕左屬回鮮前有磴道高八九十尺下當

迴潭其勢迴瀾半出水底蒼然泛若在波上石巔勝異

之處悉為亭堂小峯嵌竇宜閒松竹掩映軒戶畢皆幽

奇於戲古人有畜憤悶與病於時俗者力不能築高臺

以瞻眺則必山巔海畔伸頸歌吟以自暢達今取茲石

將為悟臺蓋非愁怨乃所好也銘曰

湘淵清深悟臺附峻登臨長望無遠不盡誰賦朝士羈

牽局促借君此臺壹縱心目陽崖碧瑑如瑾如珉作銘

刻之彰示後人

有唐大曆二年歲次丁未六月十五日立

右斯人之作非好古者不知為可愛也然來者安知

右斯人之作非好古者不知為可愛也然來者安知

右斯人之作非好古者不知為可愛也然來者安知

無同好也邪集古錄

元結次山撰嵒臺銘見歐陽永叔集古錄中次山凡文多從顏尚書真卿李學士陽冰索書此篆書不知陽冰作者或自作之次山於文爾雅然不能高而愛身後名其銘亦類是昔杜襄陽碑峴首一絕頂一深澗曰吾懼千秋之後之陵谷也嗚呼古人之於名如此并州山人四部稿

嵒臺銘元結撰篆書大歷二年浯溪銘元結撰瞿令問篆書大歷三年唐亭銘元結撰瞿令問篆書大歷三年右三銘竝在祁陽縣元次山愛祁陽山水遂寓

金石萃編卷九十四 唐五十四

三

居焉名其溪曰浯溪臺曰嵒臺亭曰唐亭所謂三吾者也臺銘刻在臺之後甚完整溪銘亭銘刻於東崖石上隨石欹斜鮮厚難搦而篆筆特佳視臺銘更勝別有黃山谷書百餘字云與陶介石披榛剪穢得次山銘刻喜而試之又有皇甫湜五言古詩一首次山之子讓五言長律一首金石文

右唐嵒臺銘黃山谷云溪銘李康篆亭銘江華令瞿令問篆惟臺銘篆書無姓名又云以字云觀之亦李康篆也金石

右嵒臺銘次山尚有浯溪唐虞二銘皆瞿令問篆書

以地僻薛厚難搦惟此銘世多有之雖不著書人姓名當亦令問筆也李少溫名陽冰本取木華海賦陽冰不冶之義其兄澥字堅冰皆冰霜之水也而少溫書名亦從俗作冰蓋由楷書借冰爲火相承已久章奏告身既用冰字篆書不便更易故爾潛研堂金石文跋尾

按嵒臺之嵒字與唐亭之唐字皆不見于說文臺與亭似因浯溪得名則字體亦出次山新意爲之凡水之以浯字得名者有三說文浯水出琅邪靈門壺山東北入濰此別是山左之浯水若浯溪則在今湖南永州府祁陽縣在唐時屬江南西道永

金石萃編卷九十四 唐五十四

四

州零陵郡又今福建泉州府有浯江見陳懋仁泉南雜志蓋同一浯字地分三處異其名也方輿紀要浯溪在岐陽縣南五里山溪諸水匯流于此稱爲奇勝流入湘江唐元結自道州歸愛其山川家于此今浯溪摩崖碑結所撰中興頌也而獨不及嵒臺銘及浯溪唐亭二銘殆惟搦者所不易到耶碑題河南元結字次山撰新唐書元結傳舊書結後魏常山王遵十五代孫以討賊功遷監察御史裏行佐荆南節度使呂諲判府事又參山南東道來瑱府瑱誅攝領府事會代宗立固辭丐侍親歸

樊上授著作郎益著書作自釋曰河南元氏望也結元子名也次山結字也云云拜道州刺史進授容管經略使母喪請留加左金吾衛將軍罷還京師卒贈禮部侍郎傳所載歷官止此其官道州刺史不詳何年玩傳語是代宗卽位後之事自宋吳曾以下多言次山愛祁陽山水遂寓居焉顧祖禹則云自道州歸愛其山水家于此傳不言結寓居浯溪而末云罷還京師且此碑銘序亦無家居之語則非家于浯溪者顯然据次山築次山嘗僦居瑞昌之瀼溪上因自號瀼溪居士有詩云尤愛一

《金石萃編卷九十四

唐五十四

五

溪水而能存讓名則次山所居者瀼溪也溪在今江西九江府之瑞昌縣與永州隔遠惟其官道州時或是愛浯溪山水常來登眺因而刻銘刻頌蓋道與永相距不遠也顧氏諸說殆沿舊志之訛銘文篆書無姓名銘中書體不合六書者如涯嵌銘三字皆徐鉉說文新附字涯當作厓嵌當作欽見集韻銘當作名春官小祝注今書銘或作名既夕禮士喪禮注並云今文銘皆作名是其證也峯借二字亦徐氏所補鈕布衣樹玉云峯疑封之俗字漢書司馬相如傳云歷封爵又云論以封爵義雖

不同或後人本此作峯耳封亦有高義漢書西域傳出封牛師古曰封牛頂上隆起者也集韻峯或作峯又與封之古文里形相近也借當作藉抑詩借曰未知漢書霍光傳引作籍曰又趙充國傳遣使至匈奴藉兵師古注藉借也司馬相如傳乃著書籍蜀父老爲辭師古曰藉假也溪磴礧礧皆俗字又銘文云三四百步百字竟書作自亦所未詳金石文字記云別有黃山谷書百餘字又有皇甫湜元讓二詩山谷書詩并序爲中興頌碑作見後卷湜讓二詩則未見搨本

《金石萃編卷九十四

唐五十四

六

王訓墓誌

石高二尺六寸四分廣二尺四寸二十二行行二十三字正書

大唐故光祿卿王公墓誌銘并序

前祕書監嗣澤王瀍撰并書

公諱訓字訓瑯瑯臨沂人也

永穆大長公主之

中子昔周文授圖靈王纂膺誕我太子晉晉有儀鳳之

瑞瑞流子孫粵王氏焉爲異姓首

曾祖知道

皇贈魏州刺史祖同駉皇光祿卿駉馬都尉贈太

子少保尚定安長公主父繇皇特進太子詹事駉

馬都尉贈太傅尚永穆長公主龍種鳳鳴長淮